

26 NOV 1999

KIMMA NYATAKAN SOKONGAN PENUH TERHADAP BN

KUALA LUMPUR, 26 Nov (Bernama) --Kongres India Muslim Malaysia (KIMMA) menyatakan secara rasmi sokongannya yang tidak berbelah bahagi terhadap kepimpinan Perdana Menteri Datuk Seri Dr Mahathir Mohamad.

Menurut presidennya, A.M. Sikandar Batcha, Barisan Nasional (BN) telah banyak berjasa kepada rakyat, termasuk keturunan India Muslim sejak 25 tahun lepas, dan adalah menjadi tanggungjawab rakyat untuk memastikan BN terus menerajui kerajaan bagi jangka masa lima tahun lagi.

"KIMMA akan terus menyokong Barisan Nasional yang telah banyak berjasa membawa kemajuan dan kemakmuran kepada rakyat termasuk kepada golongan keturunan India Muslim," katanya.

KIMMA yang ditubuhkan pada tahun 1976 kini mempunyai 350,000 anggota di seluruh negara.

Daripada jumlah tersebut 200,000 adalah pengundi berdaftar yang layak mengundi pada pilihan raya ke-10, Isnin ini.

--BERNAMA

RBZ RI